



大清穆宗繼天開運受中居正保大定功聖智誠孝信敏恭寬
毅皇帝實錄卷之二百三十

同治七年戊辰四月己亥策試天下貢士蔡以瑞等二百七
十一人於保和殿制曰朕以冲齡誕膺

昊眷寅紹丕基荷

列聖之詒謀承

兩宮之訓迪兢兢業業夙夜不敢康深惟典學傳心之要去奢
崇儉之方練兵講武之經弼教明刑之用冀與中外臣民致
上理於大同臻邳隆之盛軌茲值臨軒發策虛衷博採廣集
嘉謨爾多士其敬聽朕命危微精一之旨為帝王道統所開

堯曰執中。舜曰用中。湯曰建中。與中庸致中和之義有合否。朱子謂大學之格致誠正。以至修齊治平。始終不外乎敬。中庸之聖神功化。樞紐不外乎誠。心法治法。一以貫之。二書實括其全。能申明其義。歟。帝範。帝學。心經。政經。以及大寶丹扈之箴。其言亦有可採歟。真德秀大學衍義。僅及修齊。何為略治平而不言。邱濬大學衍義補。政典極為詳備。抑尚有提挈大綱者在歟。洪範皇極。漢儒訓為大中。宋儒又以為不然。其義何歟。自古求治之主。罔不躬行節儉為天下先。然非徒務乎其名也。書曰慎乃儉德。惟懷永圖。左氏云儉德之共也。儉以德名者。有清心寡欲之功。而後有制節謹度之事也。堯之

土階。舜之土簋。禹之菲食。文之卑服。尚已。漢文帝衣綈履革。屏雕文之飾。惜中人之產。治猶近古焉。厥後令辟。焚翟裘。毀筒布。卻珠貢。非不節儉可風。然究不能躋一世於敦龐。以追蹤隆古者。豈徒儉不足以示國歟。抑務其名而不求其實之過歟。今欲使天下黜華崇實。易俗移風。何道以致之。武備之要。訓練為先。蒐苗獮狩。四時教戰。成周之制備已。漢有京師教試之法。有州郡教試之法。能詳悉言之歟。唐設府兵。三時勸農。一時講武。人思自奮。悉為精銳。果何由而得此。宋初收天下勁兵。列營京畿為禁兵。親御近郊閱武。京師之兵。稱為強盛。而州郡率皆疲弱。意在懲前代藩鎮之弊。其制果盡善

實錄卷之四十一
一
歟。明戚繼光練兵實紀一書。為談兵家所稱善。其六練之法。能備詳之歟。國家整軍經武。兵制修明。近復練兵近畿。用備藩衛。果何以慎簡軍實。俾各營悉成勁旅也。上古無司刑之官。虞命皋陶制刑。為五刑所由昉。周官五刑之屬各五百。而呂刑言五刑之屬三千。所增減者安在。楚之僕區。鄭之刑書。晉之刑鼎。作於春秋時。而論者謂李悝法經六篇。為後世律例所自始。其果然歟。漢初約法三章。厥後蕭何定律令。於李悝法經。凡益若干篇。叔孫通復益者何律。唐之律令格式。宋之刑統。元之至元新格。大元通制。明之大明律令。其輕重繁簡之數。可約舉歟。朕欲本欽恤之心。行明允之法。司憲者宜

如何持平協中。以臻刑期無刑之郵治也。凡茲四端。懋修以建極。節用以阜財。訓卒以詰戎。明罰以勅法。經邦體國。莫要於斯。爾多士。其詳明著於篇。毋泛毋隱。朕將親覽焉。○庚子。諭軍機大臣等。英翰奏。會商機宜。擬馳赴臨清布置。並請飭天津撥給米石。及南樂等處民圩。剗斃員弁各摺片。捻逆竄向禹城高唐等處。前阻黃流。西北兩面。又有運河足資守禦。正可乘機兜勦。現在李鴻章駐紮德州。丁寶楨駐紮東昌。若英翰移紮臨清。足成犄角之勢。卽著照所議。會同李鴻章。左宗棠。丁寶楨。妥籌商辦。更番扼守。更番輪戰。以期迅速殄滅。此時各路大軍不下十餘萬。而捻逆不過數千。該大臣督撫

寶錄卷之五十一
三
等屢奏賊勢窮蹙。而任其竄突。莫可制禦。總由各將領互相
觀望。不肯實心痛勦。試思合數省兵力。勦此殘寇。不能及時
殄滅。該大臣等久任統帥。捫心豈不自愧。即著李鴻章妥籌
方略。申明紀律。奮加勦洗。毋得再涉遷延。致干咎戾。儻任該
逆竄渡運西。必當查明由何路竄逸。將沿運督防之該大臣
督撫等從嚴懲處。決不寬貸。天津賑米。尚有存餘。英翰軍營
需米甚急。即著崇厚撥給一萬石。派員解交英翰軍營。以資
接濟。如此項米石不堪食用。並著崇厚另籌撥解。免致轉折。
徒煩運費。丁寶楨所調吉林黑龍江丹丁馬隊三千名。前諭
將挑出之一千五百名。飭赴直隸交春壽管帶。其餘一千數

百名丹丁馬隊。著訓練餵養。以備調遣。此項馬隊現紮何處。
春壽所帶一千五百名。能否得力。著左宗棠、丁寶楨查明覆
奏。直隸民團屢經戕害官弁。前已明降諭旨。令地方官嚴行
禁止。何以此次南樂元城復有此等惡習。並敢劫掠銀兩馬
匹。開槍抗拒。其為地方奸棍。已可概見。豈可稍事姑容。著官
文再行飭屬嚴行曉諭。務使軍行無阻。並恐山東民團亦有
此弊。著丁寶楨一體飭屬豫行曉示。儻敢戕害官弁。即行嚴
辦。以儆刁頑。該大臣督撫等亦必嚴飭各帶兵將領。於所過
圩寨。不可騷擾地方。庶兵民相安。不至互相仇恨。將此由六
百里各諭令知之。○三口通商大臣兵部左侍郎崇厚奏辦

理津郡保甲。撫恤難民。得旨。所有撫恤及清查戶口事宜。著督飭各員認真辦理。毋得虛行故事。○予直隸南樂被賊運同馬峻祭葬世職。如陣亡例。○予河南滑縣陣亡都司魏玉祭葬世職加等。○辛丑。諭軍機大臣等。給事中陳鴻翊奏。請嚴禁兵勇搶掠。並各營毛勇。改與勇丁一律服色各摺片。各路援直兵勇。疊經諭令統兵大臣督撫等嚴禁搶掠。以肅戎行。若如該給事中所奏。兵勇在天津售賣所搶驢馬衣服等項。經地方官嚴禁。始行斂跡。並有毛勇服飾與髮賊無異各情。是其不遵紀律。毫無忌憚。已可概見。該管將領所司何事。何以縱容至此。該統兵大臣督撫等。既不能滅賊以衛民。又

不能申法以懲勇。其何顏以對此窮黎。著左宗棠。李鴻章。官文。英翰。丁寶楨。崇厚。嚴飭各將領等。務當恪守紀律。不得仍前搶掠。僅有前項情弊。即按軍律嚴辦。其毛勇服飾。尤駭觀瞻。並著查明飭令改與勇丁一律。不得稍有歧異。經此次申諭後。儻仍前玩忽。或經料道叅奏。或別有訪聞。必將該大臣督撫等嚴懲。各將領以軍法從事。毋謂不教而誅也。原摺片均著鈔給閱看。將此各諭令知之。○又諭。德勒克多爾濟等奏。難民土匪回匪。滋擾蒙古遊牧。現經官軍擊退。並籌補馬匹一摺。甯條梁等處回匪。勾結難民土匪。在蒙古遊牧邊界。四出擄掠。該將軍現飭扎那格爾第督兵防勦。即著嚴檄該

寶錄卷三十三
貝子相機布置。遇賊即擊。毋任再行紛竄。儻該貝子仍前玩
泄。未能實力堵遏。即著德勒克多爾濟等據實叅奏。並飭令
貝子巴達爾琥。總兵馬陞。一體嚴防。毋稍疏虞。金順著恪遵
前旨。迅將甯條梁攻克。以便繞赴東路。藉保完區。並彈壓匪
眾。不至四出滋擾。難民紛竄搶掠。多由困苦失。所以致流而
為匪。並著金順咨商穆圖善。派員將收復地方難民未經歸
業者。妥為安插撫恤。裁撤營勇。並給貲令其回籍。以免別滋
事端。扎那格爾第所報防兵馬匹。多有倒斃。亟應籌補。以資
乘騎。即著照德勒克多爾濟等所擬。妥為辦理。將此由六百
里各諭令知之。○又諭蘇鳳文。馮子材。太郡官軍。疊克全

茗等處賊巢。疏通鎮安餉道。蘇鳳文奏。鎮安官軍收復東山
寨等處。並攻克大虎巖。現仍督軍進剿。各一摺。龍州匪股紛
擾。雖經官軍攻拔。下凍巖寨全茗等處賊巢。殲擒匪首黃忠
傳。陳七等多名。疏通鎮安餉道。而龍英向武鎮遠等土州地
方。匪蹤麇聚。尤應及早殲除。著蘇鳳文。馮子材。仍飭姚茂田
等軍乘勝進攻。並知會諒山夷官兩面夾擊。迅掃邊氛。一面
檄飭各該地方文武。於要隘處所實力嚴防。毋稍疏懈。東山
寨等處匪巢林立。經道員覃遠璉會同李雲梯各軍分路攻
取。將大虎巖一帶賊壘。悉數踣平。餘匪向歸順州大道墟等
處遁去。逆匪吳亞終勢力漸衰。潛結鎮遠向武各股逆。竄擾

右江河道。希圖牽掣官軍。該逆負固稽誅。正宜乘此聲威。一鼓聚殲。著蘇鳳文嚴飭覃遠璉等。會合下游巡防水師及劉玉成等軍。奮力勦擊。以期埽穴擒渠。毋得遷延觀望。貽誤事機。將此由五百里各諭令知之。○又諭伊勒屯。何瑄奏。巴里坤哈密軍務緊急。請催援兵一摺。西路賊匪。勾結哈密纏頭。攻撲哈城。雖經伊勒屯等派勇會同駐哈員弁。將賊擊退。而據獲賊供稱。烏垣踞逆。已會商吐魯番各處回賊。擬於三四月間分路東犯。該逆等蓄意大股內擾。巴城等處兵力孤單。勢甚危急。文麟。景廉。已抵安西玉門。距哈密甚近。何以屢次催令赴任。猶復頓兵不救。實屬大負委任。著文麟。景廉。接奉

此旨後。卽日馳赴哈密。將防守事宜。妥為布置。儻再意存觀望。必將該大臣等軍法從事。成祿一軍圍攻肅州。久無成效。朝廷未加嚴譴。特令移師出關。至今尚未成行。尤屬有意延玩。署提督楊占鼇。現在是否抵肅。卽著穆圖善催令該署提督速將肅州軍務接辦。成祿交卸後。卽日帶兵赴援關外。不准稍事逗遛。如仍前玩泄。貽誤戎機。必重治其罪。決不寬貸。原摺著鈔給文麟。景廉。成祿閱看。將此由六百里諭知穆圖善。文麟。景廉。伊勒屯。成祿。並傳諭何瑄知之。○署山西巡撫鄭敦謹奏。匪蹤回竄直境。酌撥營勇。移守固關。得旨。捻蹤現竄山東禹城一帶。難保不乘隙渡運。一意西趨。固關自應添

防。遼。潞。各。隘。口。亦。不。可。稍。形。疏。忽。著。督。飭。各。將。弁。嚴。密。防。守。
陳。國。瑞。一。軍。催。令。迅。速。渡。河。相。機。截。勦。晉。省。西。面。河。防。並。著
陳。湜。實。力。堵。禦。毋。再。疏。虞。致。干。重。咎。○壬寅。

上。御。養。心。殿。召。讀。卷。官。八。親。閱。定。進。呈。十。卷。甲。第。○吏。部。以。大
學。士。曾。國。藩。朱。鳳。標。應。定。何。殿。閣。請。得。旨。曾。國。藩。著。授。為。武
英。殿。大。學。士。朱。鳳。標。著。授。為。體。仁。閣。大。學。士。○盛。京。將。軍。都
興。阿。奏。請。將。蒙。古。官。弁。改。獎。得。旨。薩。金。凌。保。著。註。銷。三。品。台
吉。賞。給。頭。品。頂。帶。吉。克。莫。特。等。十。五。員。均。著。賞。戴。花。翎。○癸
卯。

上。御。太。和。殿。傳。臚。賜。一。甲。洪。鈞。黃。自。元。王。文。在。三。人。進。士。及。第。

二。甲。許。有。麟。等。一。百。二。十。七。人。進。士。出。身。三。甲。鄭。賢。坊。等。一
百。四。十。人。同。進。士。出。身。○諭。軍。機。大。臣。等。李。鴻。章。奏。捻。逆。折
竄。東。北。官。軍。分。投。兜。勦。崇。厚。奏。捻。竄。滄。州。迪。南。扼。守。防。勦。情
形。各。摺。片。捻。匪。由。高。唐。博。平。折。竄。平。原。陵。縣。等。處。直。趨。滄。州。
勢。甚。剽。疾。雖。經。劉。松。山。等。軍。在。平。原。夜。擊。賊。營。迄。未。痛。加。殲
戮。現。在。滄。州。捷。地。減。河。已。開。楊。鼎。勳。潘。鼎。新。等。軍。在。該。處。築
牆。沿。岸。扼。守。將。撲。牆。賊。匪。擊。退。逆。蹤。已。向。東。南。一。帶。逃。竄。左
宗。棠。追。勦。之。兵。亦。至。牯。河。南。岸。惟。減。河。下。游。淤。淺。處。所。尚。多。
著。崇。厚。趕。緊。設。法。疏。濬。並。飭。楊。鼎。勳。潘。鼎。新。等。軍。分。紮。減。河。
力。固。北。面。至。由。滄。州。抵。德。州。一。帶。沿。河。西。岸。尚。無。兵。勇。僅。恃

民團堵禦。不足以資扼守。崇厚現咨令鄭魁吉、劉祺所部分赴薛家窩泊頭。與淮軍聯絡聲勢。並飭余承恩由靜海滄州與楊鼎勳等軍協同迎截。而泊頭以南仍屬空虛。且鄭魁士等軍兵力亦單。必須兵有後繼。方可以資接應。據崇實奏稱。已函商李鴻章就近籌辦。卽著該大臣派兵力顧德州以北運防。並著左宗棠、定安、恩承就近相機援應。兼將運河西岸嚴密巡扼。官文當速籌兵勇。添赴該處。力扼運西。以資厚集。儻任賊蹤搶渡河西。擾及河間。惟左宗棠、官文、崇厚等是問。恐不能當此重咎也。李鴻章現駐德州。當督飭前敵諸軍儘力窮追。毋任賊蹤稍行喘息。並著設法繞前兜擊。丁寶楨一

面分軍與李鴻章所部合剿。一面與英翰各軍嚴扼東昌臨清河防。並著英翰酌抽得力將弁與李鴻章、丁寶楨所部分路兜剿。迅圖殄滅。本日復據左宗棠奏稱。防剿情形一摺。與李鴻章、崇厚所奏大略相同。該大臣現進軍鹽山一帶。欲與英翰、丁寶楨所部各軍。蹙諸海隅。以期局勢較緊。所籌不為無見。惟賊蹤異常飄忽。恐各路官軍未集。而賊已乘隙他竄。左宗棠、李鴻章、丁寶楨、英翰等。總當迅速乘機。督軍會剿。不可稍緩須臾。致令賊蹤蔓延。運河水勢消長靡定。民團心志不齊。難於深恃。左宗棠當隨時相機兼顧。不可稍涉大意。東昌臨清德州至滄南一帶運防。官文、丁寶楨、英翰當彼此兼

顧聯絡聲勢以防賊騎回竄。總須一面籌防。一面籌勦。臨機相度。不可偏執。一見。至左宗棠。李鴻章。均係督兵大臣。前因賊竄保定等處。左宗棠已抵直境。距賊較近。是以令其總統前敵諸軍。嗣因賊竄山東。距李鴻章行營較近。是以將前敵諸軍。改命李鴻章總統。朝廷本係為勦賊迅速起見。於該大臣等並無軒輊。左宗棠現雖將張曜。宋慶等軍。交與李鴻章統帶。亦當與李鴻章合力會辦。不得稍涉推諉。該大臣等同辦一事。且現在駐紮處所。相距不遠。自應以國事為重。和衷商酌。不可固執成見。各分畛域。前敵諸軍。雖已交李鴻章調度。左宗棠亦可就近檄勦。以期迅速。藏事。將此由六百里各

諭令知之。○又諭。前因劉銘傳勦賊較為出力。且三月假期已滿。是以諭令李鴻章傳諭該提督。迅赴直隸山東一帶勦賊。茲據李鴻章奏稱。已兩次手書傳令到營襄助。曾國藩亦為懇切函催等語。劉銘傳受朝廷不次之擢。任重專閫。邇來捻勢披猖。自應奮勇誓師。滅此朝食。以圖報稱。且三月假期已滿。骸疾諒已全愈。豈可藉病推諉。自耽安逸。現在捻逆偏處黃運之交。各路大兵已集。機會大有可乘。李鴻章既稱劉銘傳熟悉捻情。即著再行飛催銷假。迅速到營。不准片刻稽延。致誤軍事。並著曾國藩。吳坤修。就近催令起行。現在軍事甚急。若待添募兵馬。必至耽延時日。所部銘軍。既派丁壽昌

在邳州代為操練。即可統率舊部。鼓行而前。不必另行招募。至湘淮皖豫各統將。平日既與劉銘傳相習。該提督到營時。即著總統前敵馬步各軍。奮力勦賊。以期迅奏膚公。榮膺上賞。該提督素日尚明大義。當不始終延誤。自外生成也。銘軍啟行時。如有應需款項。著曾國藩代籌助給。以利進行。將此由六百里諭知李鴻章。曾國藩。並傳諭吳坤修知之。○甲辰。諭軍機大臣等。都興阿奏。遵旨嚴審要犯。供認強搶得賄。縱盜大概情形一摺。前因練目陳安屢經被控。諭令麒慶解交都興阿嚴訊。茲據該將軍奏稱。審明該犯夥眾強搶得財。放盜等情。均已屬實。惟假團練擾民一節。該衙門並無案據。其

在熱河有無擾害被控實蹟。請飭熱河都統詳查再辦等語。匪犯陳安。始則糾眾行劫。拒捕傷官。迨充番役後。復於撫民廳甯遠州等處。得賄縱盜。肆行搶劫。實屬怙惡不悛。若不按律嚴懲。何以安閭閻而靖奸宄。陳安一犯。即著照響馬例定擬。所請飭熱河都統詳查之處。著毋庸議。將此諭令知之。○又諭。理藩院奏。據土爾扈特汗布彥烏勒哲依圖報稱。收留厄魯特人眾。請歸布倫托海辦事大臣妥為籌畫。並應給俸餉。請飭戶部覈議各等語。厄魯特人眾。因伊犁失陷。逃避土爾扈特遊牧地方。情極可憫。而該汗布彥烏勒哲依圖竟能容留。洵屬深明大義。第厄魯特人眾寄居該遊牧地方。究非

久遠之計。即著交李雲麟、明瑤、錫綸就近將厄魯特十四佐領下官兵等妥為安插。酌給耕牧地方以資生計。所需俸餉應如何支給之處著戶部覈議具奏。原摺著鈔給李雲麟等閱看。將此由六百里各諭令知之。○又諭總理各國事務衙門奏西疆毗連俄境各卡倫請飭建立界牌鄂博一摺。新疆各城多與俄界毗連。前經分界大臣與俄官會勘分定。嗣以該處回氛不靖。未能舉辦。續據俄使照會內稱。俄國官員擬從昌吉斯台至烏科卡倫一帶撤出中國卡兵。其建立鄂博一端。並請速定等語。分界一事。現既可以設法辦理。自應從速舉行。且呼圖克圖進攻哈薩克一案。即因界址未清。俄國

得以藉口。此時若不速籌建立。勢必釀成釁端。辦理更形棘手。著奎昌、福濟、車林多爾濟、李雲麟、明瑤、錫綸咨商麟興、榮全、錦丕勒多爾濟。速將分界事宜會同俄國邊界官員查明三年所分界址。將應建界牌鄂博概行建立。以固邊防。原摺均著鈔給閱看。將此由六百里各諭令知之。○引見滿洲考取軍機章京人員。得旨。豐紳泰、增林、桂斌、文綬、文齡、額勒精額。如松、文英、榮堃、曾鉢、穆特亨額、德克吉訥、那丹珠、鈺坤、承恩、鄂昌、堃岫、玉恆、佛爾恭額、豐伸泰、富華均著記名以軍機章京用。○署山西巡撫鄭敦謹奏添派紳士襄辦省城防務。得旨。現在捻蹤離晉。雖覺稍遠。而地方團練本係應辦之事。

仍不可稍形鬆懈。所請酌保數員之處。著俟軍務肅清。再行奏請。○以失察勇丁搶奪。革山西副將胥建發職。勒令回籍。○予山東海豐等處陣亡千總戴文彬。黃紀成。從九品胡湘。祭葬世職加等。○乙巳。諭軍機大臣等。崇厚奏。擒撲滅河。淮軍截擊獲勝一摺。擒逆大股。由滅河以南。撲犯于家橋等處。經官軍追勦。該逆敗竄慶雲所屬之舊縣。匪蹤異常剽疾。亟應速籌兜擊。著左宗棠。李鴻章。懍遵二十五日諭旨。迅速會商。督軍進勦。不可稍緩須臾。致令賊蹤蔓延。崇厚務將滅河下游淤淺處所。趕緊設法疏濬。與左宗棠等妥籌守禦。毋稍疏虞。左宗棠。李鴻章。當和衷共濟。迅殄逆氛。以副朝廷委任。

不得各分畛域。貽誤戎機。自干咎戾。將此由五百里各諭令知之。○著直隸總督官文奉。派按察使張樹聲等察看民團。互相激勸。以資保衛。得旨。著即飭令該臬司等督同地方紳團實力防守。毋稍疏懈。○福建臺灣鎮總兵官劉明燈奏。整頓臺灣營務。稍有端倪。懇請入覲。得旨。臺灣營務久弛。此次整頓之後。當見日有起色。該總兵仍當認真籌畫。毋任積久弊生。其水師應辦事宜。即著咨明該省督撫辦理。所請入都陛見之處。著俟二三年後。該地方大定。再行奏請。○予直隸保定陣亡提督羅雨春祭葬世職加等。○予直隸鹽山殉難知縣杜恩祿。教諭劉鏡。典史鮑桂芬。千總孫大鵬。祭葬世職。

實錄卷三百三十一
加等。○丙午引見。○丑科散館人員。得旨。修撰崇綺。業經授
職。二甲庶吉士。逢潤。古福。臣。劉恩。溥。張相宇。王先謙。朱福基。
汪鳴鑾。廖壽恆。鄭守孟。顧奎。羅家勛。李汝霖。蕭晉。卿。黃毓恩。
鈕玉庚。李用清。楊紹和。周開銘。施之博。朱以增。吳仁傑。張清
華。謝維藩。張懷恩。顧雲臣。龔顯曾。文治。茹芝。胡聘之。張英麟。
韋業祥。鄭溥元。松森。楊頤。潘衍。鑿。董執。慶錫榮。汪敘疇。張端
卿。曹秉哲。李璠。溫紹棠。周岱。樓譽。普。易子彬。崔文海。俱著授
為編修。三甲庶吉士。楊泰亨。田翰墀。劉青照。吉長清。黃晉沼。
周冠。俱著授為檢討。郝同。麓。馮光勛。啟秀。王廷輝。柳長庚。唐
景崧。夏裕。綸。李士彬。霍鵬南。沈成烈。李緒昌。蘇維城。俱著以

部屬用。何探源。德生。胡元。照。謝文起。劉鳳苞。楊超元。楊松兆。
屈秋泰。林樑材。俱著以知縣即用。繙譯庶吉士。崇勳。著授為

編修。○丁未。

孝慎成皇后忌辰。遣官祭
慕陵。

大清穆宗繼天開運受中居正保大定功聖智誠孝信敏恭寬
毅皇帝實錄卷之二百三十

